

# GRYMLINO PO NASZYMU

## Karnawałowo muzyka.

Zacło sie łod tego, że nasi modzi wykupili se bilety na karnawałowo zabawa, ale piyńc dni przed terminym coś jim niy spasowało. Piniyndzy nazod wziońc niy mogli, bezto dogodali sie mhtowali, yno nom nic niy godali, coby my sie niy rozmyślili, bo tak po prowdzie, to my nikaj ze starym niy chodzimy, yny do kościoła, bo koncerty a tyjatry som zadrogi na jego pynzyjo.

Mój ślubny sie ucieszył, bo łogromnie rod tańcuje, ale jo zech zaś tako rada niy była, bo jo mało tańcuja a yno nikere konski, co znom, bo mi elefant na łucho nastompił a z tym sie niy do nic robić! Ale co było robić, darowanemu koniowi do zymbów niy zaglondajom, no to zech na tym pomysł przistoła.

Mój chopeczek wyciongnoł se ze szranku kupiony bez lato gang, a dziecka mu tu niymu kupili modro koszula, strzybny binder a synek pożyczoł mu swoji ślubne lakszuły.

Jo tyż musiałach se wyrzchtować jaki friz a świyconce łoblecze, czyli karnawałowo kecka. Niy chciałach kupować nic nowego, no bo portmonej cijnki a ani czasu ni miałach po sklepach łazić. Moja cera padała mi, że mo takigo kamrata, co je sztylistom niy yno łod wosów, ale tyż łod ekstra ciuchów, a mie do niego zawiozła. Synek



się na mie podziwoł a zaczon wynokwiać:

-Widziałbym Panią w tunice do połowy uda, do tego ledżinsy, koniecznie czarne i na to czarny-surdut do połowy łydki, będzie Pani wyglądać jak modelka z tego żurnala! – i pokozoł mi tako gazeta ze sylwestrowymi szatami.

Gizd widzioł, że mi sie łoczka zaświyciły, bo łodczekoł kwilka, aż żech se wszystko połoglon-  
dała,  
a potym sie spytoł:

-I co pani na to?

A jo mu na to tak:

-Dyć jo to wszystko mom: tunika we czorne a zło-  
te poski prziwiozła mi cera ze Holandyje,

lydżinsów niy obleka, bo przy mojim brzuszku  
byda wyglondać, jak tyn chopeczek ze reklamy,  
co mo wszystko tanio, ale mom wonski czorne  
galoty a dugo kamizelka, co żech kupiła ze dwa  
lata nazod na wyprzedazy w Katowicach i ani  
razu żech w ni nikaj niy była.

Sztylista przistoł na to choć macha mioł kwa-  
śno, ale chcioł se te lonty jeszcze łobejrzeć. Na  
drugi dziyń padoł, ze je wszystko dobrze, yno mu-  
sza se kupić ku tymu dugie czorne załońniczki.  
Z tym był trocha problym, bo jo ni mom dziurków  
we łuszach, ale moja cera znodła taki klipsy. Były  
ciynżkie jak stodiosi, ale jedyn wieczór dało sie  
w nich wytrzymać. Friz mi tyn synek zrobił coł-  
kiym fajny, mie sie podoboł, bo zdało mi sie, że  
mie troszka łodmodzo, ale widać mojimu chopu



nie niy zdoł, bo padoł:

-Reszta łobleci, ale mosz recht, frizura cie rychtik  
fest łodmodzo, tyn czubek na gowie to mosz  
cołkiy jak nasza wnuczka Agatka...

Trocha żech sie wkurziła na tako godka, ale  
żech zmilczała, bo chopy przeca sie niy znajom  
na babski modzie!

Sala, kaj my mieli tańcować, była piyknie łobstro-  
jono. Pod wyrchym wisiały balony a na

ścianach jakiś biote gałonzki, a na nich złote  
a strzybne glaskugle, yny choinki nikaj niy było,  
ale to był taki nowomodny dizajn.

Ludzi przy stole tyż my mieli fajnych. Naprzeciwi-  
ko siedzioł nasz somsiod Czypionka ze Rózał-  
kom, łoni som prawie tak starzi jako my, wele mie  
trocha modszo porka tak kole szterdziestki, a po  
drugij stronie wele Czypionki, jakiś kamrat łod  
mojigo brata, co śnim kiejs na grubie robił. Naj-  
przód se ludzie pojedli, a potym zaczi grać, ale  
małogdo tańcować, dziepiyr jak nasze chopy ło-  
balili halbka, sie zacziło! Mój ślubny łodtańcował  
sy nmnom walczyka a potym szoł po somsiadki  
łod stołu. Po mie tyż

prisztoł tyn chop co wedle siedzioł. Jeszcze my  
sie ani dobrze niy łokryncili a łon zaczon stynkać.  
Pytom sie:

-Je Wom co?

Padoł, że niy, ale macha mioł tako, jakby mu co  
za kark kapało. Za kwilka

zaś se dychnoł, tego to jo już niy zdzierzyła:

-Godejcie mi sam zaroz, chopie, co sie dzieje! –  
wywstołach na niego.

Chop sie chyba wylonkł:

-Buciki mnie uwierają...żona chciała, żebym ubrał  
nowe... – padoł.

No to my byli w doma!

-Siednymy se a bydymy godać, to niy musimy  
tańcować – poradziłach mu,

bo mie tyż to pasowała, ale wiela to żech sie niy  
nasiedziła, bo przisztoł po mie Czypionka.

-Wiycie, somsiadeczko, jo niy wiedzioł, ze wy-  
ście som tako gryfno, cołkiym jak ta pszczoł-  
ka Maja z telewizora! – padoł łoroz przy tańcu,  
(a to mi piernik przigodoł skuli tuniki, ale żech  
udowała, że tego niy słysza!), ale widać łon ko-  
niecznie chcioł padać mi jaki kompiyment,

bo dodał szeptem, coby Różalka nie słyszała:  
Somsiadeczko kochano, jo wom przaja!

Tego to mie było już za tela:

-Wiyecie, Czypionka – łodzartach mu sie. – Wy-  
ście som fajny chop, ale na Gucia troszka za  
marny, nic z tego nie bydzie!

A chop doł se pokój, a jeszcze mie przeproszoł, że  
mu tak to wyleciało skuli gorzoły.

Dycki tak je, że człowiek idzie z jednej łostody  
do drugi. Chcioł se sy mnom zatańcować bratów  
kamrat, z poczontku chciałach mu piyknie po-  
dziyknować, ale potym se padom, lepi teraz niż  
potym, bo za jakiś czas cołki towarzystwo bydzie  
nabelane. Bez jedyn konsek nic nie godoł yny sie  
na mie dziwoł z wyrchowiska, bo był chop wie-  
lgi, ale przy drugim schylił się trocha i padoł mi  
praje do ucha:

-Pani ma takie demoniczne spojrzenie...

Wy mie zawrało, te dwa gizdy sie na mie smó-  
wili, ale potym se myśla możnej coś w tym je  
i jak żech szartła do toalety a prosto do źdrza-  
dła. Patrza a wele łoczów mom dwa czorne plac-  
ki! To ta wodoodporno maskara, co się zmyć  
wodom nie dała, ale palcym rozmazać to zaroz!  
Jedna modo babeczka, co tam praje była, poży-  
czała mi tyn demakijaż, bo jo se swojigo (czytej  
łód cery) nie wziyna. Dokludziłach sie do po-  
rzondku, tyn czubek na gowie przilizałach wo-  
dom, a przirzekłach se, że już nigdy wiyncy nie  
byda niczego udować.

Kamiyń mi ze serca spodł, poszłach nazod na  
sala a balowałach do rana!

Grymlino.

